



Cultura & Sotziedade

CSU festat sa Die in Tonara domìniga chi benit.

Su [Coordinamentu Sardu Ufitziale](#) organizat Sa Die de Sa Sardigna in Tonara (NU) domìniga chi benit su 26 de abriale. Su tema de sa festa at a èssere "Sa Die 1794-2015: no at cambiadu nudda" chi cheret finas denùntziare su discùidu de su governu acadèmicu regionale pro s'identidade natzionalitària e linguìstica de sa Sardigna.

A pagas dies dae s'eventu, sa Giunta Regionale, s'est limitada a fàghere una delìbera de programatzione cun coberta finantzària in itinere e duncas sas tzelebratziones ufitziales si s'ant a fàghere, ant a èssere cosa de urtimera e improvisadas. In prus, isvilire sa festa cheret nàrrere a pònnerre comente tema cussu de su màndigu (comente in passadu Sa Brigada Tàtari o Gramsci) chirchende in custa manera de minimare su significadu natzionalitàriu de sa festa.

In su mentres CSU proponet una festa de unidade natzionale, aberta a totus sos chi pensant chi sa Sardigna siat una nazione e apat una limba sua. Una festa, prus chi non una gerronada polìticu-culturale, mancarì chi no ant a mancare sos momentos de livellu.

Gràtzias a s'agiudu de s'aministratzione comunale de Tonara, **s'at a comintzare a sas 10 e 30 in su tzentru polifuntzionale de via della Regione.** A pustis de sos saludos de sas autoridades, istèrrida de su CSU e arresonos istòricos. Posca interventos lìberos de chie at a bòlere nàrrere sa sua. Pro nche l'acabare mùsica popolare e pràngiu sotziale.

CSU aderit a su programa de Sa Die in Tundu e finas a s'idea de sas barchitas.

Benide in medas!

Su Coordinamentu pro su sardu ufitziale e s'Amministratzione Comunale de Tonara,

ti cumbindant a **Sa Die: 1794-2015.**

Dae tando no at cambiadu nudda.

Addòbiu pro sas tzelebratziones de sa Die de Sardigna e Assemblea diretiva de su CSU.

Tonara, 26 abriale 2015, tzentru polifunzionale comunale, via della Regione, h. 10.30, programa:

Sa Natzione

Saludu de sas autoridades
Istèrrida a incuru de su CSU
Arresonos istòricos
Arresonos de sos militantes
Dibàtitu lìberu
Mùsica e cantos populares
Pràngiu.

Podet bènnere chie si siat. Amus a fàghere faeddare a totus sena relatziones longas. Sa partetzipatzione est lìbera e a s'indonu. Pro su pràngiu tocat a iscrìere e a pagare unu tantu. Est una festa, in fundu in fundu, Sa Die nostra.

Pro papare ti depes marcare a ristorante/pizzeria "Il Castagneto",

Pràngiu a 16 èuros.

Tel. 0784.610149 – 610005.

22-04-15.